

**POSLOVNIK O RADU
KOMISIJE ZA PRIPREMANJE PRIJEDLOGA ZA IZBOR U AKADEMSKO ZVANJE**

Sarajevo, novembar 2023. godine



Na osnovu čl. 121. do 128. Zakona o visokom obrazovanju („Službene novine Kantona Sarajevo“ broj 36/22), čl. 233. do 237. i čl. 255. do 257. Statuta Univerziteta u Sarajevu, po osnovu Javnog konkursa za izbor akademskog osoblja u naučnonastavno zvanje na Univerzitetu u Sarajevu – Ekonomski fakultet (oblast Međunarodna ekonomija i razvoj, 1 nastavnik u zvanju vanredni profesor, puno radno vrijeme), raspisanog 11.09.2023. godine i Odluke Vijeća Ekonomskog fakulteta o imenovanju Komisije za pripremanje prijedloga za izbor u akademsko zvanje 1 nastavnika u zvanju vanredni profesor, puno radno vrijeme, na oblast Međunarodna ekonomija i razvoj na Univerzitetu u Sarajevu – Ekonomskom fakultetu br. 02-4973/23 od 10.10.2023. godine, Komisija na konstituirajućoj sjednici održanoj 09.11.2023. godine donosi

POSLOVNIK O RADU KOMISIJE ZA PRIPREMANJE PRIJEDLOGA ZA IZBOR U AKADEMSKO ZVANJE

I - OPĆE ODREDBE

Član 1 *(Predmet Poslovnika)*

Ovim poslovníkom se bliže uređuju obaveze, način rada i odlučivanja, kao i druga pitanja od značaja za rad Komisije za pripremanje prijedloga za izbor u akademsko zvanje (u daljem tekstu: Komisija): izbor nastavnika u zvanju vanredni profesor, puno radno vrijeme, oblast Međunarodna ekonomija i razvoj na Univerzitetu u Sarajevu – Ekonomskom fakultetu (u daljem tekstu: Fakultet), 1 izvršilac sa punim radnim vremenom.

Član 2. *(Načela)*

Rad Komisije se zasniva na načelima nezavisnosti, nepristrasnosti, transparentnosti i zakonitosti.

Član 3. *(Propisi)*

Komisija provodi proceduru izbora u akademsko zvanje u skladu sa Zakonom o visokom obrazovanju Kantona Sarajevo, Statutom Univerziteta u Sarajevu, Javnim konkursom za izbor akademskog osoblja u naučnonastavno zvanje na Univerzitetu u Sarajevu – Ekonomski fakultet, oblast Međunarodna ekonomija i razvoj, 1 nastavnik u zvanju vanredni profesor, puno radno vrijeme, raspisanom 11.09.2023. godine i Odlukom Vijeća Ekonomskog fakulteta o imenovanju članova Komisije br. 02-4973/23 od 10.10.2023. godine.



II — ULOGA STRUČNE SLUŽBE

Član 4.

(Uloga stručne službe)

(1) Nakon usvajanja Odluke o imenovanju članova Komisije za pripremanje prijedloga za izbor akademskog osoblja na sjednici Vijeća Fakulteta održanoj 10.10.2023. godine, stručna služba – Služba za pravne i personalne poslove Fakulteta (u daljem tekstu: Služba) – članovima Komisije dostavlja Potvrdu o blagovremenosti pristiglih prijava na Javni konkurs za izbor akademskog osoblja u naučnonastavno zvanje na Univerzitetu u Sarajevu – Ekonomski fakultet, oblast Međunarodna ekonomija i razvoj, 1 nastavnik u zvanju vanredni profesor, puno radno vrijeme (u daljem tekstu: Konkurs), zajedno sa kompletnom konkursnom dokumentacijom.

(2) Uposlenik Službe prisustvuje konstituirajućoj sjednici Komisije i otvaranju pristiglih prijava, te konstatira njihovu potpunost (urednost) u skladu sa Konkursom, o čemu Služba izdaje odgovarajuću potvrdu koja čini sastavni dio izvještaja Komisije.

III - OBAVEZE I NAČIN RADA I ODLUČIVANJA KOMISIJE

Član 5.

(Obaveze Komisije)

(1) Komisija je obavezna da po primitku pristiglih prijava i prateće dokumentacije:

- a) pregleda sve pristigle prijave i dostavljene dokaze o ispunjavanju uslova za izbor u naučnonastavno zvanje;
- b) utvrdi ispravnost pristiglih prijava i dostavljenih dokaza;
- c) napiše izvještaj sa prijedlogom za izbor u naučnonastavno zvanje, u zakonskom roku.

(2) O daljnjem procesu izbora, kandidatkinje i kandidati se mogu obavijestiti putem web stranice, pismeno, usmeno, elektronski ili putem telefona.

(3) Komisija je obavezna izvještaj sa prijedlogom za izbor u naučnonastavno zvanje dostaviti Vijeću Fakulteta putem Protokola Fakulteta u skladu sa Zakonom o visokom obrazovanju i Statutom Univerziteta u Sarajevu, u roku od 30 dana od dana imenovanja Komisije.

Član 6.

(Odlučivanje Komisije)

(1) Komisija donosi odluku većinom glasova.

(2) Član Komisije koji se ne slaže sa većinski donesenom odlukom može napisati izdvojeno mišljenje, ali ono ne može uticati na donesenu odluku.



Ekonomski fakultet

Član 7.

(Mjesto zasjedanja Komisije)

Mjesto zasjedanja Komisije je u prostorijama Fakulteta, na adresi Trg oslobođenja – Alija Izetbegović br. 1, Sarajevo.

Član 8.

(Način rada Komisije)

(1) Komisija je u svom radu nezavisna.

(2) Komisija zasjeda u punom sastavu prilikom provođenja konkursne procedure – otvaranja prijava, pregleda i razmatranja dokumentacije.

Član 9.

(Zapisnik)

(1) O toku konstituirajuće sjednice Komisije vodi se zapisnik od strane člana Komisije.

(2) Zapisnik sadrži datum, mjesto i vrijeme održavanja sjednice, sažet opis toka sjednice, konstatacije, zaključke, prijedlog odluke Komisije, te imena i potpise prisutnih.

IV — PRIJELAZNE I ZAVRŠNE ODREDBE

Član 10.

(Izmjene i dopune Poslovnika)

Izmjene i dopune ovog poslovnika vrše se na način i u postupku propisanom za njegovo donošenje.

Član 11.

(Stupanje na snagu Poslovnika)

Ovaj poslovnik stupa na snagu danom donošenja i objavljuje se na web stranici Univerziteta u Sarajevu – Ekonomskog fakulteta u roku od dva (2) radna dana od dana donošenja.

K O M I S I J A

Predsjednik: Prof. dr Eldin Mehić

Član: Prof. dr Snježana Brkić

Član: Prof. dr Adnan Efendić

Broj: 01-3-6012/23

Sarajevo, 09. 11. 2023. godine